

Arwyddion Dymunol

gan Meira Shakespear



"Ac ar ôl y tywydd drwg
Fe wnawn arian fel y mwg"
medd yr hen gân yn ddigon hyderus, gan ein sicrhau fod
"arwyddion dymunol o'n blaenau."

Wn i ddim am wneud arian –
nid oes sôn fod Cymdeithas Gwaith Maes wedi ennill y loteri –
ond mae'n hollol wir fod hoen ac afiaith y gwanwyn yn dra
dymunol ar ôl drycin gaeaf.

Erbyn hyn, dylai pob ysgol yng Nghymru fod wedi derbyn
poster yn hysbysebu dyddiad cyhoeddi'r gwerifyn diweddaraf
yngyd â braslun o'i gynnwys. Ar hyn o bryd, yr ydym fel
Cymdeithas yn rhoi cryn bwyslais ar farchnata *Gwaith Maes* ac
mae'r poster yn rhan o'r ymgyrch i sicrhau fod pob athro yn
gwybod am y safwe a'i hadnoddau.

Os na welsoch chi'r poster, holwch amdano, ac os na chyrrhaeddodd yr ysgol, yna byddem yn
ddiolchgar iawn pe byddech yn rhoi gwybod i ni trwy gyfrwng y botwm cysylltu uchod.

Y tro hwn yr ydym hefyd
yn falch dros ben o
gyflwyno ein "injian
chwilio" newydd i hwyluso
cael hyd i'r hyn y mae
arnoch ei angen o'r storfa
ddeunyddiau.



Mae swmp yr hyn sydd ar gael yn cynyddu'n sylweddol a chyson, ac yr ydym yn ffyddiog y bydd
y dull hwn o gyrchu gwair o'r sgubor yn ei gwneud yn haws o lawer i'w ddefnyddio.

Meira Shakespear



Rhifyn Nesaf
Tachwedd 2004

Cyfrifoldeb athrawon yw asesu peryglon unrhyw weithgaredd neu
ymweliad